

序

永寧北魏靖縣地扼秦豫咽喉山谷阻深隄隴春秋以來為蠻爭螳闢抗元擄
虛乏所我

國家仁覆義燾百有餘年叢之迴溪峻嶺咸耕鑿而屋廬之車牛服膏慶康莊
焉余自甲辰由戶部尚書郎奉

命出守東都丙午冬以公事經其地山川澄秀竹木翳鬱渠泉交織鄉聚駢羅
顧而樂之及緒舊志乾隆十二年重修後歷四十寒暑

聖朝令典之昭垂文教之昌蔚民行之興起土田之開拓河渠之廩醴倍多於
昔未加補葺無以為輶軒采擇者資而史傳中所謂靖坂闕隘詢之土人幾成
樊桐懸圃金門同軌北陸熊耳長淵所置郡縣黃樞永固立義蒞柵劉鵬所立
防戍及恒農宜陽熊統並洛改隸紛錯之由茫乎莫攷此又相沿之固陋疎淺
不足論矣語邑之官師網散佚而新之適有濬河役未暇壽光張君至毅然以

修纂為任集耆紳於庭謀之僉踴躍集事請於余亟為憇德而余旋蒙

恩擢豫轉運使吳郡張鶴坪先生來守是邦托揚風雅出所纂潼川安岳郡

邑兩志授之分土地人民政事三部為綱以統衆目準繁簡之宜蔚然美善爰

做為體例而湘潭張度西先生實任編輯之勞博采羣書取舊志刪其訛顛補

其脫漏飾其文閣正經界清保甲詳水利辨地形別土宜搜有遐廣激勸攷古

崇今必覈必嚴雖云續舊儼如創始焉稿既成以書寄河北譚次弓序於余夫

志者為政之書余於登封偃師鞏縣志序中言之詳矣而治巖邑之法與治原

邑不同永寧為山川恒農塞微史稱靖地多豪右俗趨勇不易治自薛文靖以

講學化其鄉人材始起沐浴

咸代深仁厚澤風氣更蒸蒸日上變然畛域既遠耳目難周示之易則虞黷我法

也操之急則虞震我師也因其疲則滋之奸也變其新則啓之囂也疑之深則

令格不行也信之驟則巧以嘗試也聖人以知及仁守莊蒞動之以禮為治民

垂訓奉以治嚴邑尤善張君為是志舉深崖邃谷古今異遠近異尚者聲
燦然於几席之上不出城闔而周知民隱於是乎靜以馭之嚴以臨之廉以率
之慈以附之守畫一酌變通勤履堪鋤奸豪禁吏胥察巡緝使吾民優游作息
于

堯舜之宇而無品厥僕攸之為則生言信可以起行由嚴邑以治原邑何施而
不可余之所望張君者又豈僅徵文攷獻秉經酌史稱記載之善乎哉張君勉
之矣乾隆乙酉嘉平月

賜進士出身

誥授中憲大夫河南糧鹽道前知河南府事都梁劉文薇撰

永寧屬郡之西鄙巖邑也三面皆山巨川橫注龍頭鳳翼有礧石雷駭激矢盡
飛之雄滬水香泉有翠荇游鱗芳艾蓂荷之產二峭神奧嶢峣靈秀鍾毓於斯
者不少棧樸菁莪金璋圭璧足以彪炳人倫炫耀當世功業則有如宋尚書大
本張中丞建白理學則有薛文靖薛直齋父子後先濟美崇祀鄉賢其他懷瑾
握瑜經明行修之士則指不勝屈即閨門之內截髮毀容矢志守節稱巾幗
眉者窮簷蔭屋所在皆有苟非蒐羅入志將何以備他日太史輶軒之采勗風
化之源烏可以 蕞爾任其湮沒哉己酉之歲予奉

天子命尹茲東郡永寧張明府以新修志稿來就正展卷披覽雖較舊本已增
益美善而於提綱挈領間有未協體裁爰出予昔守梓州時所輯一郡八邑之
志付東筆者倣其體例而改正之復增入大年一門必如此庶為善本矣方今
聖人在上四海昇平

五代同堂

八旬有慶壽世自多壽民宜乎嵩山洛水之間耄耋期頤充滿衢巷補諸志乘
洵足昭來茲九老八公又烏庸羨予涖郡半載急於求治每慮汲深綆短惟日
孜孜廢者興而墜者舉與僚屬交相勸勉不專一簿書錢穀遂為盡職修志之
舉亦為政之先務也既付梓張明府來乞并言時正校士文場爰綴數語應之
列諸簡端

乾隆五十五年庚戌仲春月詔授朝議大夫知河南府事加二級紀錄十二次
吳趨張松孫撰并書

自叙

永寧之有志聞自明中葉始久戾兵燹

國朝順治年間曾重修亦湮沒無存今之迺乾隆十二年邑令單君履成所修踵康熙三十一年邑令佟君賦偉稿本而約畧增之者也微特援引失實例類棼淆紀載踈漏無以上應石渠虎觀之採擇而四十餘年來

聖朝政治之隆令甲之盛孝義節烈之彬彬日起倘不為續輯其何以昭茲來許楷承之是邑惕然於文獻之將湮也不揣固陋思網羅散佚勒為一書請諸前郡憲今陞河南糧鹽觀察武岡劉公謀所以新之邑薦紳士民亦僉謂此志為不完之本亟宜搜補踴躍襄事願楷學殖荒落茫然無能為役忝達 郡憲吳郡鶴坪張公奉

命來尹東都下車伊始即以興禮樂振風雅為己任詢及志事授楷以潼川府志安岳縣志為 公在蜀中手纂者命遵為編次楷受而讀之以土地人民政事

三大綱為提挈本子與氏之言天造地設規模正大義蘊宏深而各自以類相從例不紊亂較對山武功志體更謹嚴有法由是耳目一新得所依據爰發舊行所藏史傳諸書拾殘穿蝨并搜施郡志所擴據未及者叙沿革之紛紜清山川之脉絡豐古蹟之証據補官師選舉之脫漏詳里保以一政令備溝洫以興水利博采考義節烈以為風化淳必本諸正史必協諸輿論間附以辨論不敢為蹊駁而荒辭俚事刪之恒嚴凡四閱月而藏事較舊志增什之七八焉是役也荷 郡憲之訓迪示以率由得免紕繆是 郡憲之大有造於峭山洛水而下邑士民之所朝夕禱祀而求之者矣書曰不由古訓于何其訓又曰非知之艱而行之艱措膺百里重寄惴惴焉恒懼覆餗今即以志為政之考鏡於山川險隘益思所以防禦於前賢治行益思所以則倣於芳行淑德益思所以鼓勵是豈特求語言文字之雅馴乎哉將自策自奮藉是以報 上憲屬望之心并為後來官師導夫先路稽之私幸又何如也既呈郡憲定爰書其顛末以授梓

人乾隆五十四年歲次己酉陽月知永寧縣事壽光張楷書

舊志序

郡邑之有志所以紀往而勸來蓋古者方志閭史之遺意也然非畧知春秋
遷固歐陽述作之大義而考據精密取舍詳慎則往往鄙陋訛謬而不足觀
雖記載有大小之異才學有高下之殊至於筆削條例之所在未有惜然無
所見而可以率爾操筆者也余自乙丑冬來為河南永寧令登山臨水想大
禹文王呂公之遺跡求馮異楊再興徐達之戰地訪張濟薛繼遠流寓之別
墅讀蔡子英辭官之書而吊其故里摩挲前令武大烈題壁之詩而哀其忠
俯仰千載慨然歎慕退而考其舊志之所書則或載或不載或載而不得其
事實及其他之憑臆傳曾言而不文者尤多意欲刪去其牴牾於古者而稍
別為義例本之經史叅之閭見以存其本真顧病未能也會大中丞關公以
公孤燮理之才當周畢保釐之任三年有成百廢俱舉乃蒐羅中原之文獻
校正增補作為通志以示法戒又下令府州縣各志其土地人物上之臺端

以備採擇又慮夫作者之不一而無所折衷也復頌之準格俾有所遵守余於是竊自幸其私願之得遂也乃禮致上之好古知學者與之從事溯沿革別疆界擊星野標山川舉政教之大端錄風俗之遞變列廟祀興作之雜亂存仁賢名跡之凋零述職官而知為民父母之難詳人物以明行已節義之重條分縷晰體要粗具舊本改易十且四五極知學愧宏博辭非爾雅不足供有識之一笑然其質之經而不敢悖徵之史而不敢誣謹奉大中丞公之準格而不敢踰擬之而言蓋亦萬分之一焉文雖不足而質或未遠也惟是反覆職官之舊載自宋元以來且數十百人矣其治行尤異登於簡策者寥寥僅十許人人寥寥僅數語豈皆歲久磨滅不復傳於後世與抑無得而稱故不書其書者不過頌美之謬辭故泛然加之不情之譽而難以詳悉具陳與余不佞戴星於此六年矣斯民直道來者難誣安知後人之不以無得而稱視余也可不懼哉可不懼哉

康熙三十一年永寧縣知縣襄平佟賦偉撰

舊志序

一邑之中必有一邑之政因夫一邑之俗以和乎一邑之民雖不能強而一之然未嘗不可化而齊之也故民俗之升降闕乎世運之隆替焉永寧為中州西鄙介乎萬山之中邑之小焉者也論其地則輿圖中彈丸黑子耳至論其政則政未可以彈丸黑子者而忽之也况乎誌一邑之政必誌一邑之俗誌其俗即所以誌其民誌其民即所以誌其時誌其時即所以誌其世也則由邑推郡由郡推省由省以槩天下雖方各異政地各殊俗然其升降之大凡則有歷歷不爽者而世運之隆替隨之又惡得以其邑小而遺之也哉予以甲子歲承乏茲土徵求文獻則舊志修於康熙三十一年去今幾六十載夫此五六十之中雖山川如昨而井里之變遷田疇之懸闕以及物換人移風殊俗革之故無以誌之其將何以傳信來茲也夫第以風塵鞅掌之中良有未遑從事者非泄泄也歲丙寅郡憲古虔曹公修輯郡志檄屬吏各修

縣乘以備採擇當此上令下行之會咸雖不敏敢不搜羅往事以補此五十餘年之遺缺者以上報郡憲乎爰是博採舊聞詳加覈實即舊誌之規模而參以所見或合或分有仍有補始於丙寅之夏迄乎丁卯之春凡閱月者八甫得定本先為抄錄以上郡憲以彙此五六十一年之中舉凡人材之興起風氣之轉移戶口之繁增蕪菜之盡闢興夫利無不興弊無不革者無不兼總而條貫焉庶使後之人覽斯誌也因以推而例之即其民俗之升降者以稽其世運之隆替焉而想見夫

國朝治化之隆百年以來休養生息即此山陬下邑而亦必吏守其法民安其業如此者藉非

聖天子勵精於上賢大吏實心於下又安能喚咻斯民登之於衽席春臺之上以臻此太平全盛也乎則永誌之作正不可因其小邑之介于萬山者以為彈丸黑子也而忽之矣然此皆郡憲倡之于上故屬吏得以奉行于下藉以

搜羅遺失而誌此一邑之俗以徵此明盛之時也則郡憲之彙輯纂修以成郡誌也其有闕于世運者不更什伯于邑誌也歟
乾隆十二年歲次丁卯知永寧縣事高密單履咸撰

洛寧縣序

縣志一書係屬掌故之學原資後人以考鏡者甲寅夏余承乏斯邑即為物色用恣瀏覽乃時經多日卒不可得考詢其故僉云洛寧遠遭髮捻蹂躪近被盜匪焚掠是邑志乘多付於灰燼即間有存者亦多殘缺不完殊難以窺全豹余貽之不禁為之唏吁者再然付之闕如此心覺難釋然於是思集合之法作徵求之舉凡遇有碎簡零編均皆什襲藏之又復於世家耆舊羅致散佚藏本事邇年餘居然湊集完全彙訂成帙爰亟付之石印藉廣流傳後之翻覽者其將謂此書之存而不致中絕者多賴此乎然若由此賡續而重修之則尤余之所厚望已

中華民國四年十月知洛寧縣事山左賈毓鶚序

洛寧縣志序

縣志失修久矣自乾隆己酉縣尹張公集貲重訂而後迄於今百有餘年其間政治之隆替風俗之轉移人材之應運產出不乏可紀倘無人焉輯而續之終恐湮沒弗彰曾憶光緒辛丑歲與同學韓子夢筆以二事請於友航郭公曰修賢宮曰續縣志迨賢宮既修方擬籌款設局從事輒軒之採而郭公竟以瓜代去會其時則有司驛新蔡之行韓子亦宦遊太原彈指十餘年來桑梓間事茫未過問然對於此心未嘗不倦倦也今承革政之餘地方秩序甫定人民元氣未復驟以是為請鮮不以不急之務相警歲甲寅賈君薦秋以山左名宿捧檄前來積極進行百廢俱舉學校也力求擴充實業也亟謀振興更惕惕乎文獻之將墜而思增修失邑乘無如款項難籌有願莫償本積極之進行變而為消極之保守遂於萬難措手之中勉籌百金搜羅散失舊志集為全帙先付石印若干部存諸黌宮雖於近百年來宏文高壘未曾闡發而舊有者庶得保存而無

失使人不至嘆河源星宿無流可溯此則賈公不得已與未盡之苦衷也尤所
望於後之繼起而踵修者邑人雷同聲叙